

弘明集卷第十

梁釋僧祐撰

墳所未詳

莊嚴寺法雲法師與公王朝貴書
并公王朝貴答

大梁皇帝 勅荅臣下神滅論

并公王朝貴荅

大梁皇帝 勅荅臣下神滅論

位現致論要當有體欲談無佛應設賓主標其宗旨辨其短長來就佛理以屈佛理則有佛之義既躡神滅之論自行豈有不求他意妄作異端運其隔心鼓其騰口虛盡瘡痏空致詆訶篤時之虫驚疑於往來滯斃之蠹河漢於遠大其故何也論蒙急而淨一息抱孤陋而守井幹豈知天地之長久溟海之壯闊孟軻有云人之所知不如人之所不知信哉觀三聖設教皆云不滅其文浩博難可具載止舉二事試以爲言祭義云惟孝子爲能饗親禮運云三日齋必見所祭若謂饗非所饗見非所見違經背親言語可息神滅之論朕

莊嚴寺法雲法師與公王朝貴書
并公王貴答
主上荅臣下審神滅論今遣相呈夫神妙寂寥可知而不可說義經丘而未曉理涉旦而猶昏主上凝天照本襲道赴機垂荅臣下旨訓周密孝享之禮既彰榮懷曾史之慕三世之言復闡紂協波崙之情預非草木誰不歌歎希同挹風猷共加弘讚也釋法雲呈

公王朝貴荅

臨川王荅

得所送 勅荅神滅論伏覽淵旨理精辭

詣二教道叶於當年三世棟梁於今日足使迷途自反妙趣愈光遲近寫對更具披折蕭

宏和南

建安王荅

辱告惠示 勅荅臣下審神滅論 天識昭遠聖情淵察伏覽玄微實曉庸昧猥能存示深承篤顧偉和南

長沙王答

惠示 勅答臣下審神滅論 睿旨淵凝機照深邈可以筌蹄惑見訓誘蒙心鑽仰周環洗滌塵慮遂能存示戢眷良深肅端業和南尚書今沈約答

神本不滅久所伏膺神滅之談良用駭惕近約法師殿內出亦蒙 勅答臣下一本懽受頂戴尋覽忘疲豈徒伏斯外道可以永摧魔衆孔釋兼弘於是乎在實不刊之妙旨萬代之舟航弟子亦即彼論微歷疑覈比展具以呈也沈約呈

光祿領太子右率范岫答

岫和南伏見 詔旨所答臣下審神滅論竇照淵深動鑒機初敷引外典弘茲內教發蒙啓滯訓誘未悟方使四海稟仰十方讚抃異見杜口道俗同欣謹加習誦寤寐書紳惠以逮示深承眷憶范岫和南

丹楊尹王榮答

辱告伏覽 勅旨神不滅義 睿思機深天情雲發標理明例渙若冰消指事造言赫如日照用啓蒙愚載移瞽蔽凡厥含識莫不挹佩謹以書紳奉之沒齒弟子王榮和南中書今王志答

辱告伏覽 勅答臣下神滅論旨高義博照若發蒙弟子夙奉釋敎練服舊聞有自來矣非唯雷同遠大贊激 天旨而已且垂答二解厭伏心靈藻燭聞見更不知何以闡揚玄猷光彰聖述且得因象不溷於眞內外無紛如之滯寔懷嘉抃猥惠來示佩眷唯深王志和南

右僕射袁昂答

辱告并伏見 勅答臣下審神滅論奉讀循環頓醒昏縛夫識神冥漠其理難窮粵在庸愚豈能探索近取諸骸內尚日用不知況乎幽昧理歸惑解仰尋聖典既顯言不無但應宗教歸依其有就有談有猶未能盡性遂於

不無論無斯可遠矣自非神解獨脫機鑒絕
倫何能妙測不斷之言深悟相續之旨兼引
喻二證方見神在皦然求之三世不滅之理
弥著可謂鑽之弥堅仰之弥高者也方使衆
惑塵闕羣迷反路伏誦無數舞蹈不勝弟子
袁昂和南

御尉卿蕭昺答

辱告并伏見 詔答臣下審神滅論夫從
雖明一乘教遠或有偏蔽猶執異端 聖上
探隱索微凝神繫表窮理盡性包括天人內
外辨析辭旨典奧豈直群生靡惑實亦闡提
即曉方宣揚四海垂範來世惠使聞見唯深
佩服孤子蕭昺頓首和南

吏部尚書徐勉答

天旨所答臣下神滅論一日粗蒙垂示辱告
重送伏加研讀窮理盡寂精義入神玄義兼
明起深俗表詳求三世皎若發矇非直謹加
誦持輒今班之未悟惠示承眷至弟子徐勉

和南

太子中庶陸果答

果和南伏覽 勅旨答臣下審神滅論夫從
無往本在默咀思伏如來藏宵絕難言故使
仲初建薪火之執宣遠廣然滅之難傳疑衆
談躋淪曠稔宸聰天縱聖照生知了根墜藥

隨方運便遂乃辨禮矯枉指孝示隅良由迷
發俗學使俗以洗況道惑資外文即就外以
明內任言出以出奇因所據理固以城墲三
世負荷群生現在被闇當來擗網一牘之間
于何不利片言之益豈可覩縷生因襄慶至
德同時預奉餘論頃戴踊躍惠示不遺深抱

篤念陸果和南

散騎常侍蕭琛答

弟子琛和南辱告伏見 勅旨所答臣下審
神滅論妙測機神發揮禮教實足使淨法增
光儒門敬業物悟緣覺民思孝道人倫之本
於茲益明詭經亂俗不撓自壞誦讀藻抒頂

戴不勝家弟闇短招愆今在比理公私前懼
情慮震越無以仰讚洪謨對揚精義奉化聞
道伏用竦怍眷贊覃示銘佩仁誘弟子肅深
和南

二王常侍彬緘答

辱告伏見 勅旨答臣下審神滅論

聖思淵凝天理孤絕辯三世則釋義明舉二
事則孝道暢塞鑽鑿之路杜異途之口足使
魔燄永淪正峯長峻弟子伏膺至道預奉天
則喜躍之心寧復恒准王彬緘頓首和南

太子庶子陸煦答

猥辱遠告伏見 至尊答臣下審神滅論俯

仰膜拜徘徊空首竊聞聖惟一揆唐虞未有

前言知幾其神今日獨奉堯詔道載則萬有
擠其倫迷德壽則九服揚其照籩方旨振民
育德百年均其攝受勞民動物千古咸其折
伏法師智深波定受持之持僉允志洽通敏
承神之神諳克陸煦和南

黃門郎徐緝答

緝和南辱告并遠示 勅答神滅論伏覽淵
旨蹠心蕩累竊惟希夷之本難尋妙密之源
莫覩自非上聖無以談其宗非夫至睿焉能
導其極 皇上窮神體寂鑒道居微發德音
則三出自彰布善言而千里承響誠叶禮敬
義感人祇理扇玄風德被幽顯悠悠巨夜長
昏倏曉蠢蠢愚生一朝獨悟勵鹿苑之潛切
澍法流於日用鴻名永播懋實方馳迷滯知
反論疑自息弟子歸向早深倍兼抃悅輒奉
以周旋弗敢云望但蠡測管窺終懷如失耳

徐緝和南

侍中王暕答

枉告并奉覽 勅答臣下審神滅論

聖旨玄照啓寤群矇義顯幽微理宣寂昧夫
經述故身之義繫叙遊魂之談愚淺所辨詳
已爲非減況復睿思弘遠盡理窮微引文證
典煥然冰釋肉眼之人處恭迥向惑累之衆

後改浮心發明既往訓導將來伏奉淵教欣
躋罔已王暕和南

侍中柳惲答

辱告惠示 勅所答臣下神滅論夫指歸無
二宗致本一續故不斷釋訓之弘規入室容
聲孔經之深旨中外兩聖影響相符雖理在
固然而疑執相半伏奉淵旨照若發蒙顧會
玄趣窮神知寂測情盡狀天地相似千載闕
疑從春冰而俱泮一世顛倒與浮雲而俱闊
詠環徊永用懸解存及之顧良以悲戢弟
子柳惲頓首白

常侍柳惲答

辱告惠示 勅答臣下審神滅論淵旨沖邈
理窮幾奧竊以修因趣果神無兩識由道得
滅佛唯一性殷人示民有知孔子祭則神在
或理傳妙覺或義闡生知而揚墨紛綸徒然
穿鑿凝滯遂往將掩名教聖情玄覽理證無
間振領持綱舒張毛目抑揚三代汲引同歸

實假雙祛朗然無礙伏奉循環疑妄俱盡來
告存及悲抱唯深柳惲頓首白

太子詹事王茂答

茂和南辱告伏見 勅旨答神滅論頂戴欣
權不及抃舞神理悠曠雖非建言所極列聖
遺文炳然昭著莫不撫枉虔襟式遵彝典豈

可委陳虛矯厚誣前詰謂來緣之不期棄享
薦之至禮迷路茫茫歸塗靡薄苦空一到有
悔無追 主上含明體聖妙窮真假發義照
辭舟航淪湧豈唯天人讚仰信亦諸佛迴光
弟子夙昔棲心本憑淨土數延休幸預逢昌
世方當積累來因永陶慈誘藻悅之誠非止

今日未獲祇叙常深翹眷比故循詣此自無
伸王茂和南

太常卿庾詠答

辱告惠示 至尊答臣下神滅論伏覽未周
煙雲再廓竊惟蠕動有知草木無識神滅督
論欲以有知同此無識乃謂種智亦與形骸

俱盡此實理之可悲自非德合天地均大域
中屬反流之日值飲化之幾則二諦之言無
以得被三世之談幾乎息矣聖上愍此四生
方淪六道研校孔釋共相提證使窮陸知海
幽都見日至言與秋陽同朗群疑與春冰俱
釋雖發論弘道德感神妙而預聞訓誘俯欣
前業法師服膺法門深同此慶謹當鑽味吟
誦始終無斁弟子庾詠和南

豫章王行事蕭昂答

原告宣示 勅荅臣下審神滅論披覽未周情以
折使惑者渙然神之不滅著於通誥理既渺
默故致有迷 主上識照知來鑒踰藏往撝

機外之妙思攻異端之妄說又引禮經取驗
虛實孝敬之道於此方弘孤子蕭昂頓首和南

太中大夫庾曇隆答

辱告伏見 主上荅臣下審神滅論昏蒙啓
悟煥然照朗夫至理虛寂道趣空微上聖極
智乃當窮其妙實步浮生自不辨深達玄淵

如聞立論者經典垂訓皆是教跡至於在佛
胡書詭恠難以理期此則言語道斷仰勞聖
思爲臣下剖釋群情豈不欣讚銘挹明旨抱
周始終法師曲誨彌增慙戢弟子庾曇隆和南
太子洗馬蕭靡荅

惠示 勅荅臣下審神滅論披覽未周情以
抃悅主上凝神天縱將聖多能文奧不刊辭
溢繫表義證周經孝治之情爰著旨該釋典
大慈之心弥篤謹置之座隅陳之机枕寢興
鑽閱永用書紳班示不遺戢眷良厚弟子蕭
靡和南

御史中丞王僧孺荅

原告惠示送 主上所荅群臣仰誥神滅論
伏覽循環載深鑽奉發矇祛蔽朗若披雲竊
以事蘊難形非聖莫闡理寂區位在愚成惑
若非神超繫表思越機前豈能燭此微言若
開金石洞茲妙境曾靡棟蹊踰之以必薦言
之以如在使夫持論者不終泥於遙轍專謬

者無永沉於惑海預奉淵鑒孰不懼肅裁此

酬白不申舞王僧孺呈

黃門侍郎王揖答

辱告惠示 勅荅臣下審神滅論夫昊蒼玄
默本絕言議性與天道固亦難聞而愛育之
仁依方感動開誘之教公事降設矜局蛙於
井谷哀危蠭於寸陰思發神衷言微理鏡引
據前經文約旨遠凝神杳翳一理能貫墳典
紛綸一言以蔽顯列聖之潛旨使終古之滯
惑存滅由斯而曉孝敬同茲而隆信足以警
誠重昏儀範百代所謂聖暮揚揚嘉言孔章
者也弟子旣慙辦理弥懷知音遂得預聞道
訓頌觀妙藻式抃下陳水佩聖則弟子王揖
和南

吏部侍郎王泰答

一日曲蒙讌私預聞范中書有神形潛滅之
論斯人逎促不近人情直以下才未能折五
鹿之角耳辱告垂示 聖旨徵引孝道發揚

冥致謹當尋誦水祛矇惑弟子王泰頓首和南
侍中蔡傅答

辱告奉宣 勅旨荅諸神滅論夫神理玄妙
良難該辨雖復前聖卷言後英猶感駁旨爰
釋皎若發矇固以陵萬古而擅奇悟方來以
不朽伏奉朝聞載深抃躍謹以書紳永祛迷

滯蔡傅和南

建康令王仲欣答

仲欣白辱告惠示 詔所荅臣下神滅論伏
讀淵麗抃不勝躍 皇帝懿性自天機神獨
遠五禮外照三明內映金輪徐轉則道濟八
紜玉瓊旣陳則孝隆七廟開慧日於清漢垂
法雲於大千如在之義重闡茲晨常住之明
未證來劫故以德冠百王聲高万古弟子棲
心法門崇信大典舞蹈之誠獨深鳬藻王仲
欣和南

建安王外兵叅軍沈績答

弟子績和南垂示 勅荅臣下神滅論伏深欣

踵弟子竊惟道不自弘弘實由人人須其識
識須其位周易所稱聖人大寶曰位豈其意
乎然或位而不人或人而不位三者云備其
理至難故宣尼絕筆於獲麟孟軻反身於天
爵誠無其位也嗚呼真化殆將淪沒今天子
以仁聖盛明據至尊之位蓋層山可以衆煦
飄其和不可移也鍾鼓可以鷄鳴亂其鳴不
可聞也將使慄慄黔首濟其長夜自非德合
天地誰能若斯弟子早沐虛風旣聞之矣然
而鶩雀之集猶或相昏飛蓬之門尚自交構
聖旨爰降辭高理愜敷以人天之善誠以莫
大之刑一言作訓內外俱闡夫以孺子入井
凡民猶或傷之況乃聖慈御物必以隱惻爲
心耶能指白馬之非白猶見屈於中庸至於
神享機外志存弘化翹翫摧其頰舌焉足哉
神贊天責本非窺觀遂能存示用慙寡德弟
子沈續和南

祠部郎中司馬筠答

辱告并垂示 勅荅臣下審神滅義伏讀周
流式歌且舞夫識慮沉隱精靈幽妙近步無
以追凡情不能測外聖知其若此所以抑而不
談故涉孔父其尚昏經姬公其未曙而碌
碌之徒忘理信目雖畫管窺異見鋒起苟徇
離賢之名遂迷霜露之寶愚惑到此深可矜
傷我皇道貫幽顯明踰日月窮天地之極以
盡終始之奧忌猶紫之妨薰朱器珉雉之亂
鳳王爰發聖衷降茲雅義信之以光揚妙覺
極厥沉詎近照性靈之極遠明孝德之本實
使異學剪其邪心四方篤其羨慕謬以多幸
預奉陶均沐澤飲和有兼慶躍添通曲被佩
荷弥深司馬筠呈

豫章王功曹叅軍沈緝答

緝和南弟子竊以爲交求之道必取與爲濟
至於續蒙示告則空致衝衝儻魚之觀殆將
可息所以自絕諮詢豈深莫窺誠自愧也徒
以闇識因果循循局識冀覆霜不退堅冰可

至耳而法師弘心山藪幸能藏疾雖未升堂
遂招以法流杜夷云召竭馬於澁泉不待鞭
策而至矣垂示上答臣下神滅論晨宵伏
讀用忘疲寢構斯法棟導彼迷流天屬既伸
三世又辯鬼神情狀於焉可求然謂海寶廣
廣孰能知謂天蓋高高不可測聖論鉤深

旨超繫表曠情易駘恧能是空銘末示終愧

鑽仰弟子沈緹和南

建安王功曹王緝答

惠示勅荅臣下審神滅論竊以神一冥默
歷聖未傳宣尼猶稱不言莊生空構其語求
之方策歎昧交深謬覩今論天思淵發妙旨
疑深至理既弘孝機兼極信足韜超万古照
燭來今弟子生屬昌辰預觀聖藻既冰涣於
懷抱信曉惑於隨便凡厥靈知孰不鑽仰矧
伊矇蔽激抃寔深王緝和南

右衛將軍韋叡答

至理虛寂冥晦難辨言有似無言無實有妙

於老談精於釋教辭炳金書文稽玉牒者由
來尚矣主上道括宇宙明並日月隱顯之
機必照有無之要已覽遂垂以明論訓折臣
下導誘既深訓義方洽凡在有心孰不慶幸
蒙示天製謹加讀誦垢氛雲消特兼懼抃法
師果深昔緣因會今法離五慾而入八解去
三界而就一乘復得預聞德音弥足欣讚惠
告沾及戢佩寔深韋叡和南

廷尉卿謝綽答

綽和南辱告蒙示勅荅臣下審神滅論伏
覽淵謨用清魂府既排短說實啓群疑竊惟
人生最靈神用不極上則知來藏往次乃隣
於庶幾以此觀之理無可滅是以巨儒伸其
祀事大慈照其生緣內外發明已足祛滯況
復天誨諄諄引諭弥博弘資始於黔黎導識
業於精爽固今開曠出郭坐測重玄異端既
絕正路斯反論者慙其墨守范氏悟其膏肓
預在有識孰不擊讚但弟子徒懷遊聖終懵

管窺頂奉戴躍永懽靡誘謝綽和南

司徒祭酒范孝才答

弟子孝才和南辱告逮示 勅旨荅臣下審
神滅論竊以彭生不立名現齊公元伯纓垂
事高漢史且斬籌為喻義在必存神之不滅
法俗同貫欲滅其神內外成失所謂管闢穹

極寧辨西東蠡度滄溟安知騁驥天旨弘深
慇懃於妙象 聖情隱惻流連於饗祭豈直
經教增隆實使蒙惠悟道眷遠所覃曲垂頒
常侍王琳答

畊和南辱所賜書并垂示荅臣下審神滅論
竊聞神其如在求前王而未測往常任其不
移徙伏膺而曉鑽仰淵秘渙氳冰開故知紛
綸聖跡不由一道參差動應本自因時今澆
流已息無明將啓物有其機教唯斯發篤孝
治之義明覺者之旨預有靈識誰不知慶豈
炎昊所得爭衡非軒唐所能競爽巍巍至德
莫或可名昭然大道於斯為極何畊和南

豫章王主薄王筠答

恭覽 聖製聲溢金石理洞淵泉義貫六爻
言該三世足使僻學知宗迷途識反弟子生
幸休明身叨渥澤復得傾耳天土拭目神藻
鳬抒之誠良無紀極猥患頃銘躍唯重弟
子王琳答

庫部郎中何畊答

筠和南辱告垂示 上荅臣下審神滅論竊
聞儻然有見禮典之格言今則不滅法教之
弘旨但妙相虛玄神功凝靜自非體道者豈
能默領其宗不有知機者無由冥應其會聖
主迹同萬機心遊七淨哀愍羣生嫗煦庶物
滌彼蓋纏勗以解慧祛其蒙惑濟之仁壽信
大哉為君善於智度者也弟子出奉法言家
傳道訓而學淺行疎封累猶軫既得食栗聖
教預聞弘誘一音得解万善可偕抃躍之情

無以譬說弟子王筠和南

倉部郎中孫挹答

辱告惠示 勅荅臣下審神滅論伏奉欣仰
喜不自支夫江海淵曠非井蛙所達怡然入
定豈外道能干故一毛不動則衆邪退散舟
航既濟而彼岸斯登聖后體蘊二儀德兼三

代撫靈機而摠極秉上智以調民發号施令
則風行草偃臨朝尊默而化動如神隆五帝以
比蹤超万劫其方永猶復震金聲於指掌降
妙思以發蒙理既仰而方深趣弥鑽而踰遠
均寶珠於無價齊蓮華之不塵孝敬被乎羣
黎訓範侔於先聖蚊行喘息同識斯懼翾飛
蠕動共陶茲慶班告未臨用深榮荷謹頂受
書紳永啓庸惑弟子孫挹和南

丹楊丞蕭跡素答

辱告并伏見 勅荅臣下審神滅論性與天
道稱謂理絕曠劫多幸猥班妙訓接足頂受
懽敬載懷竊謂神道寂漠法海難邊是以智

積麻葦而未測識了色塵而猶昧豈其庸未
所能激仰然自慧雲東漸寶舟南濟歲序綿
長法音流遠明君良宰雖世能宗服至於躬
挹玄源親體妙極者竟未聞焉是使兩諦八
解獨闢皇言九部三歲偏蕪國學嗚呼可爲
歎息者也竊尋神滅之起則人出樓伽經名
衛世雖義屈提婆而餘俗未弭故使羣疑異
學習以成見若不稟先覺之教實終累於後生聖
上道濟天下機洞無方虎觀聿興龍宮并閱
至德與實相齊導故能符俗教而諦真道即
孝享以弘覺性照此因蒙拔茲疑網雖復年
左之柔軟巧說孔文之博約善誘竭以喻斯
巍巍乎十善已行金輪何遠法師稟空慧於
曠生習多聞於此運法輪轉而八部雲會微
言發而天人攝受故能播戒香於鳳闕藻覺
花於宸側信矣哉能以佛道聲今一切聞者
也弟子無記釋藏不逮孔門雖願朝聞終慙
若薄庶緣無盡之法兼利人我耳疾塞甫余

心慮惱憊謹力裁白不識詮次傾遲諸展親承至教也弟子蕭賒素願首和南

中書郎伏臘答

猥垂班示 至尊所答臣下審神滅論伏奉

淵旨頤祐羣疑天情獨照妙鑒懸覽故非凡愚所可讚仰然常師管見亦竊懷佳求今復稟承教義遠尋經旨重規疊矩信若符契法師宣揚叡理弘讚聖言方使二教同歸眞俗二致預得餐沐誨誘陶染至化抨擊下風實兼舞蹈遜比諮詢乃盡襟誠臨白欣佩不知裁述伏垣呈

五經博士賀陽答

辱告垂示 勅荅臣下審神滅論鑽仰反復

誦味循環故知妙蘊機初事隔凡識神凝繫表義絕庸情 皇上叡覽通幽性與天道所以機見英遠獨悟超深述三聖以導未曉標二事以洗偏惑故係孝之旨愈明因果之宗彌暢崛山粹典即此重彰殊水清教於茲番

朗譬諸日月無得踰焉弟子雖冥煩多蔽謬奉格言研求妙趣猶知蹈舞法師宣揚至道光闡大猷猥惠未及益增銘荷弟子賀陽呈太子中舍劉洽答

辱告奉覲 勅旨所荅臣下審神滅論伏披素札仰瞻玄談文貫韶夏義測爻繫囊括典經牢籠述作弘彼正教垂之方簡希夷卓尔難得而聞斟酌賢聖剖破毫髮兼通內外之塗語過天人之際矣自非體茲至德思與神會豈能深明要道人知企及謹書諸紳永以爲珮冷乎旣入照若發矇比故修詣共伸講復也弟子劉洽頓首呈

五經博士嚴植之答

辱告伏見 勅旨答臣下審神滅論夫形分涉塵或微隱難悟況識理精密豈庸見能曉所以斷常交驚一異競奔若中道居懷則欲流可反二邊滯意彼岸長乖神滅之論斯障實重仰賴 聖主棟梁至教明 詔爰發朗

若披雲非直冥符訓典俯弘孝義蓋妙達生
源幽窮行本使執禮之性踐霜露而弥篤研
神之識仰禪悅而增心皆當習忍慧途翻流
惑海弟子早標素心未知津濟伏讀懽欣充
遍身識猥惠存勗荷眷唯深嚴植之呈

東宮舍人曹思文答

厚送 勅書弟子適近亦親奉此 目范中

書遂迷滯若斯良為可慨 聖上深懼黔黎
致惑故垂折衷之 詔此旨一行雖復愚暗
之識了知神不滅矣弟子近聊就周孔以爲
難今附相簡願惠爲一覽之折其詭經不尋
故束展此不多白弟子曹思文和南

秘書丞謝舉答

辱告惠示 勅答臣下審神滅論竊聞語曰
萬物紛糾則懸諸天象言消舛則折乎皇理
昭昭自古事蔚在茲伏尋叡訓垂文義深陶
鑄稱象匪臻希微孰識綸幽至極盡性窮神
愍斯六蔽哀此四執黜小言之亂道拯經行

於夷路旨肆而隱義宛而彰博約載弘廣大
悉備一音半偈顯茲悟拔慧日心水蕩此塵
迷俾宗奧有歸教思攸在異端自杜誣善知
息凝繫表於繩初導禪流於苦海豈伊含孕
三藏冠冕七籍而已哉弟子幸邀至遲側承
格誘沐沫歡擊奉以書紳謝舉和南

司農卿馬元和答

辱告頒示 勅旨垂答臣下審神滅論竊聞
標機之旨非凡所窺符神之契唯仁是極故
衆教徘徊理詣於博善羣經委曲事盡於開
濟伏惟 至尊先天製物體道裁化理絕言
初思包象外攻塞異端闡道歸一方有知宗
人天仰式信滄海之舟梁玄霄之日月也神
滅之論宜所未安何者前聖擣教抑引不同
括而言之理實無二易云積善之家必有餘
慶積不善之家必有餘殃孝經云生則親安
之祭則鬼享之雖未顯論三出其旨已著薪
盡火滅小乘權教妙有湛然究竟通說因情

即理實可依且慎終追遠民德歸厚禮有國有家歷代由之三才之寶不同降清神滅之爲論妨政寔多非聖人者無法非孝博者無親二者俱違難以行於聖世矣弟子庸乏懵於至道濫蒙頒訪所據凡淺荷惕之誠追以無厝弟子馬元和和南

公論郎王靖答

垂示 聖旨答臣下審神滅論伏惟至尊垂拱巖廊遊心萬古居無棄日道勝唯機爰訪群下恢弘孝義 睿藻淵玄理深樞極自非聰明徇齊之君就日望雲之主豈有剖判冥寂明章雅論闡大聖於須臾定俗疑於俄頃非唯理測宸衷亦以義切臣子含和飲德之邦衣裳道素之域莫不傾首仁澤沐浴唐風弟子江淮孤生不學無術雖復從師北面一經不明縱憶舊文豈伊晷五經紛綸事類弘博神明之旨其義多端至如金石絲竹之響公旦伐武之說寧非聖旨且祭義而談尤爲

顯據若論無神亦可無聖許其有聖便應有神理且炳然豈容寂絕弟子所見膚淺無以宣揚至澤既涉訪逮輒率所懷弟子王靖和南散騎侍郎陸任 太子中舍陸倕答

辱告惠示 至尊所答臣下審神滅論昔者異學爭途孟子抗周公之法小乘亂道龍樹

陳釋迦之教於是楊墨之黨舌舉口張六師之徒轍亂旗靡言神滅者可謂學僻而堅南路求燕比轍首楚以斯適道千里而遙聖上愍其迷途爰奮天藻鉤深致遠盡化知神俾此因蒙均斯法水陳茲要道同彼月照弟子並以凡薄沾竊恩紀纓冕則天之朝養挺稽古之論贊幸之誠獨知踊躍猥頒告逮謹用書紳陸倕呈

領軍司馬王僧恕答

辱告惠示 勅旨答臣下審神滅論甚哉理之大也斯寧寸管之所見言性之可聞而隨類儻遇怡然曠釋奉戴周旋以次以誦法師

德邁當今聲標萬古知十之談每會起予之富必酬想闡弘聖旨煥然雲消耶弟子學慙聚螢識非通見何能仰贊洪輝宣猷妙範者歟但論者執一惑之情循一往之轍固不可以語大方焉知致遠恐必泥哉夫幽明之理皎然不差因果相起義無獨立形滅自可以

草木爲雋神明常隨緣而在所以左氏有彭生豕見尚書則祖考來格禮云若樂九變人鬼可得禮矣結草之報豈其逐滅元規所夢何得無神神明不滅著之金口丘尼所說弥有多據若文雖五千詩乃三百得其理者自可一言而以蔽故不復煩求廣證夫三聖雖有明教百家常置弘理而尚使狂簡斐然成章攻乎屢作今皇明體照幽寂識周內外以前聖之久遠感異端之妄興需然爰發乃垂眷翰使闡提一悟遂獲果通闇浮執惑豁然洗滌況復縉紳之士爲益因其弘哉弟子食道無紀法師許其一簣遂能班逮神藻使得預沐

清風頑戴懽舞無以自譬戢銘兼深弥其多矣弟子王僧惣頓首和南

五經博士明山賓答

辱告惠示 勅旨答臣下審神滅論源深趣遠豈鹿兔所測隨類得解或亦各欣其所見奉以周旋不勝舞躍法師學冠一時道叶千

載起予之寄尤在明德想弘宣妙旨無復遺蘊耶弟子業謝專經智非通識豈能仰述淵猷讚揚風教論者限以魂聽豈達曠遠目覩百年心惑三世謂形魄旣亡神塊俱滅斯則既違釋典復乖孔教矣焉可與言至道語妙理者哉夫明則有禮樂幽則有鬼神是以孔宣垂範以知死酬問周文立教以多才代終詩稱三后在天書云祖考來格且濠上華華著方生之論柱下叡哲稱其鬼不神爲薪而火傳交臂而生謝此皆陳之載籍彰彰其明者也夫緣假故有滅業造故無常是以五陰合成終同煙盡四微虛構會均火滅竊謂神

明之道非業非緣非業非緣故雖遠不滅能
緣能業故苦樂殊報此能仁之妙唱縉紳之

所仰也雖教有殊途理還一致今棄周孔之

正文背釋氏之真說未知以此將欲何歸正
法住世尚有斷常之說況像法已流而無異
端之論有神不滅乃三聖同風雖典籍著明

多歷年所通儒碩學並未能值 皇上智周

空有照極神源爰發聖衷親染神翰弘辯至
教啓悟重昏今夫學者永祛疑惑眷遠不遺
使得預饗風訓沐浴頂戴良兼欣贊明山賓
和南

通直郎庾黔婁答

孝經云生則親安之祭則鬼饗之

樂記云明則有禮樂幽則有鬼神

詩云肅雍和鳴先祖是聽

周官宗伯職云樂起變人鬼可得而禮

祭義云入戶慄然必有聞乎其嘆息之聲

尚書云若示三王有太子之責

左傳云祿神化爲黃能伯有爲妖彭生參見
右七條

弟子生此百年早聞三世驗以衆經求諸故
實神鬼之證旣布中國之書菩提之果又表
西方之學聖教相符合性靈無誤致言或異其
揆唯一但以聖人之化因物通感抑引從急
與奪隨機非會不言言必成務非時不感感
唯濟物而參差業報取捨之塗遂分往還緣
集淪悟之情相舛狃其小識晦茲大旨帶親
聞見莫辨幽微此榆枋所以笑九万赤縣所
以駭大千故其宜也若斯之倫遂復構穿鑿
駕危辯詖僞言燭非學是謂異端故宣尼之
所害也我 皇繼三五而臨方機紹七百以
御六辨勲格無禡道還淳粹經天緯地之德
左日右月之明皇王之所未曉羣聖之所不
備億兆之所宜通將來之所必至莫不鬯其
玄波而達其幽致者也伏覽神論該冠眞俗
三才載朗九服移心跂行蠹蠕猶知舞蹈況

在生靈誰不撫節弟子少缺下惟光蔽名理

既符夙志竊深踊躍至如百家恢恢所述良

多搜神靈鬼顯驗非一且般若之書本明斯
義既魔從所排輒無兼引自非格言孰能取
正略說七條皆承經典譬猶秋毫之憑五嶽
觸氏之附六軍敢瀝微塵紙增悚汗弟子庾

黔婁和南

太子家令殷鉤答

近辱告惠示 主上所答臣下審神滅論性
與天道誠不得聞徒觀二諦兼通三聖俱闡
片言折妙半字合靈辭存五禮之中旨該六
合之外譬河海之紀地猶日月之麗天伏讀
歡愉魂影相慶何者弟子夙陶玄化及長不
虧常恐識業未弘中塗迴枉或端然靜念心
翔翔而靡薄或吐言設論時見屈於辯聰夫
大道甚夷而黎元好徑咸用此也今猥奉神
旨昭若發曠且服且誦永為身寶數日來公
私牽挽還輒頹卧未即白答銜眷弥深殷鉤

和南

秘書郎張緬答

尋三世炳然二果昭著安可惑六塵而不曉
迷五塗而長沒以爲形謝神滅骸亡識朽此
外道之邪見豈可御瞿曇之正法所謂輕陳
一旅敵堂堂之鋒輒馳駿駘與驥驥而並行

恐長劫有盡領蟲方至一身死壞復受一身

精神無異人畜隨緣涅槃明文瑞應高說主
上聖照幽深鏡察潭遠譬雨祭而知不滅喻
妄作於背親義隨八引而舛入言比性道而
難聞弟子少遊弱水受戒樊鄧師白馬寺期
法師屢爲設生死之深趣亟說精神之妙言
余來歸心絕此疑想復覩斯判益破魔徒非
但聞覩於今方欲結緣於後徒知歸信闇比
求名猥惠沾示深承眷篤弟子張緬和南
五經博士陸璉答

璉白逮告垂示

勒答臣下審神滅論伏讀

天旨照鏡塵蒙弟子門宗三寶少奉道訓雖

誠歸至教識暗玄津謹尋內外羣聖開引殊文如來說三乘以標一致言二諦以悟滯方先王詮五禮以通愛敬宣六樂以導性靈或顯三世以徵因果或明誠感以驗應實豈可頓排神源未絕緣識者哉若則善惡之報虛陳祭敬之設爲妄求之情理其可安乎而昧

惑之徒尚多偏執是以聖明玄覽遊神妙門動言出理皎若朝暉發文顯證朗如宵燭頓足開建愚昏懼信凡鄙者也伏習詔旨綜檢心源謹裁還白不宣抃舞弟子陸璣呈

揚州別駕張翻答

辱告伏見 勅答臣下審神滅論盛旨窮機微言合道生知出六儒之首自然該十聖之外至如因果之規理照三世孝饗之範義貫百王妙會與春冰等釋至趣若秋旻共朗足使調闡變情桀跖移志反澆風於遂古振淳波乎方冊英聲茂實寧不可尚法師精理之秀擅高天下俱沐聖化獨遊神明深鑒道蘊

洞識宗塗弟子昔聞師說悟大傳之旨今偶昌時奉不減之訓信以照哲希蒙紓洗塵蓋足蹈手舞言象豈能勝張翻和南

太子左率王珍國答

辱告伏見 勅答臣下神滅論神之不減經典明文即心語事皎然在理論有神滅實所駁歎 天照端凝妙旨周博折彼異端弘茲教範信可以朗悟冥塗棟梁千載矣伏覽懽戴竊深罔極比故詣展遲獲咨伸王珍國呈領軍將軍曹景宗答

枉告所宣答神滅 勅理周萬古旨包三世六趣長迷於此永悟五道恒疑曉若發蒙自非鑒窮八解照侔十号排罔逸俗安得如此奉佩書紳敢違寢食法師識踰有境學詣無生揄揚之善煥如東里披翫周環用忘所疲曹景宗白答

光祿勳顏縉答

猥枉明誥頒述 勅旨審神不減以答臣下

理據暭然表裏該妙所以慧現獨宣舟梁含氣夫目所不覩唯屏爲隔耳所不聞遐迩致擁不得以不聞不見便謂無聲無物令欲詰內教當仗外書外書不殊內教茲現書云魂氣無所不之佛經又曰而神不滅旣內外符同神在之事無所多疑疑其滅者即蟬蟒不知晦朔蟪蛄

之非春秋寧識大椿之永久日月之無窮

主上

聖明超古微妙通神三世之旨有證孝觀之理斯

光蒼生管見已晦而復曉晚俗渝冥旣迷而更

悟弟子宿植逢幸預從餐道授心慈氏歸敬誠深唯尋來緣可期載懷見藻而已弟子顏鑑呈

五經博士沈宏答

弟子宏稽首和南辱告伏覽 勅答臣下審神滅論夫唯幾難曉用晦易昏自非凝神斯鑒探蹟斯朗豈能拯重雲於有惑豈能運獨見於無明竊惟大聖御宇上德表物垂法雲以湛潤開慧日而增暉遠比溟海近譬井幹粵今遂古孰能識乎此焉至如經喻雀飛瓶

在火滅字存禮云非類弗歆祭乃降祉且夢蘭以授鄭穆結草以抗杜回凡此羣列不可悉紀又五道遞往六度同歸皆神之顯驗不滅之幽音但郊克驪足豈從邯鄲比蹤盧敖捷至寧與若士齊跡今仰墜天璫俯逮闡提所謂若披重霧以攀合璧出幽夜而炳燭龍短綆爰汲望瀾覘海寶歡喜頂戴若無價寶珠沈宏稽首和南建康平司馬鑒答辱告惠示 勅難滅性論竊以慈波洪被道冠衆靈智照淵凝理絕群古七禪八慧之辨三空四諦之微故以煥乎載藉炳於通誥也所以優陀云喻如百首齊音同讚妙覺尚不能言萬分之一矣夫業生則報起因往則果來雖義微而事著示理幽而證顯自近可以知遠尋邇可以探遐譬始日月懸天無假离朱之目鳴鍾在耳不勞子期之聽而議者自昏迷途難曉苟徇所懷坐顛坑寐伏覽

皇上今旨理妙辭縟致極鉤深究至寂而更
闡啓幽途以還晰雖復列聖齊鑑羣經聯奧
靈山金口禪水玉舌終不能捨此以求通達
茲而得正信哉漂江漢之波塵滯以脩道德
齊禮還風反化法俗兼通於是乎在付比言
展方盡述讚弟子司馬栗呈

左丞丘仲孚答

左垂丘仲孚白
伏覽勅旨答臣下審神滅論 聖照淵深
包括眞俗理超繫表義貫羣識鑽奉神猷伏
深舞蹈惠示戢存眷丘仲孚白

弘明集卷第十

蹠音致也。瘡瘍下爲水。呵詁上音底。滯。黎。
反下側瘦也。蠹烏瓜友。反蛤。井幹下音寒。孟軻下苦。
波淪下力。同挹下音邑。蕭宏下惠。狠能每上反烏。
鄙深邈下眉角。鑽仰上子。洗滌下徒戢。眷阻上反。
思祉也。反荷駭惕下胡買反。驚也。不刊下苦。寒。
舟航下戶疑覈考事實也。反。范岫袖下音几。燭照。

填

舶下戶翹脊上渠庾詠上於蠕動蟲音軟細
鼙音剛反戶翹脊搖反庾詠去反蠕動蟲音軟細
鼙古音反敷厭也亦歸吾剛渙然上音渺默小反
入下徑音也伊也子官反煥亦煥上音銘挹上音
入下徑音也伊也子官反煥亦煥上音銘挹上音
遙蹤車跡也列反淵墓下莫胡王捐
胡道反矜居陵反肩蛙下烏瓜
天也矜居陵反肩蛙下烏瓜
扶以祭器宗廟之之瓊盤盛禮也一升口聞八
尺瓈及圭簪下昨筭一也他蔡傳茲
反本轂旨反上聖羊歲也八紩下惠萌反玉瓈
反俱徑從定反直也他蔡傳茲
隱計反警戒景上音彌懵下莫鄧領覩二音敵借
滅也同也反審下孟軻何反鷄純屯音憮憮
也危蠭下蟬音惠中神衷下音杏翳遠也煙曉反
也危蠭下蟬音惠中神衷下音杏翳遠也煙曉反

豁然上兄舌通也縉紳進申二
上臺上音反通也於主反中巨
也骨骼名也禹父能化足
亦音窮絕也禹父骨化

一派美忍反揆其發榆枋俞方駭胡買反
亦音窮絕也禹父骨化

庾黔婁

廉

反下音接

愴然上苦愛

反大息

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也